



Kaspi Bank
арқылы жазылу

АРДАГЕР ДӘРІГЕРДЕ – «ПАРАСАТ» ОРДЕНІ



ҚАЗАҚСТАН РЕСПУБЛИКАСЫ ПРЕЗИДЕНТІНІҢ ЖАРЛЫҒЫМЕН ЕЛ ДЕНСАУЛЫҒЫН SAҚTAУ ІCІНЕ CҮБЕЛІ ҮЛЕС ҚОCЫП, МЕДИЦИНА САЛАСЫНДА АЛПЫC ЖЫЛДАН АCТАМ УАҚЫТ ТАБАНДЫ ЕҢБЕК ЕТКЕН МАҢҒЫCТАУ ӨНІРІНІҢ АРДАГЕР ДӘРІГЕРІ CҮЛЕЙМЕН БЕРДӘУЛЕТОВ «ПАРАСАТ» ОРДЕНІМЕН МАРАПАТТАЛДЫ.

Мемлекеттік награданы салтанатты жағдайда табыстаған Маңғыстау облысының әкімі Нұрдаулет Қилыбай мерейтой иесінің саналы ғұмыры дәрігерлік антына адалдықтың, адам өміріне деген шексіз жауапкершіліктің және кәсібіне деген кіршіксіз сүйіспеншіліктің жарқын көрінісі екенін атап өтті.

Өңір басшысы өз сөзінде Сүлеймен Бердәулетовті Маңғыстаудағы денсаулық сақтау жүйесінің іргесін қалаған көрнекті тұлғалардың бірі ретінде бағалады. Білікті дәрігердің тікелей бастамасымен өңірдің медициналық инфрақұрылымы жаңарып, заманга сай озық технологиялар енгізіліп, жоғары білімді мамандар даярлау ісі

жүйелі жолға қойылды. Соның нәтижесінде халыққа көрсетілетін медициналық көмектің сапасы жаңа деңгейге көтерілді. Әсіресе онкология, эндоскопия, гемодиализ және эндоваскуляр хирургия секілді стратегиялық маңызды бағыттардың дамуына қосқан еңбегі өңір медицинасының тарихында айрықша орын алады.

Сүлеймен Бердәулетовтің еңбек жолы – отандық медицинаның өркендеу шежіресімен сабақтас. Ол әр кезеңде Маңғыстау облыстық денсаулық сақтау басқармасын басқарып, облыстық ауруханаға жетекшілік етті. Оның бастамасымен өңірде компьютерлік және магниттік-резонанстық томография секілді озық диагностикалық технологиялар қолданысқа енгізілді. Сонымен қатар медицина саласына қажетті орта буын мамандарын даярлайтын «Мейірібике» медициналық колледжінің ашылуына ұйытқы болып, өңірдің кадрлық әлеуетін нығайтуға өлшеусіз үлес қосты. Бүгінде бұл оқу орны мыңдаған білікті маман тәрбиелеп, Маңғыстау денсаулық сақтау жүйесінің сенімді тірегіне айналып отыр.

Бұл марапат – халқына қалтқысыз қызмет етуді өмірлік мұрат еткен, Маңғыстау медицинасының дамуына өлшеусіз үлес қосқан дәрігердің кәсіби біліктілігіне, адами парасатына және ұзақ жылы адал еңбегіне берілген лайықты баға.

«МАНҒЫСТАУ» АҚПАРАТ

ТАЗАЛЫҚҚА ТӘРБИЕЛЕЙТІН ТОҚСАН КҮН

МАҢҒЫСТАУДА 15 ШІЛДЕДЕ «ТАЗА МАҢҒЫСТАУ – 2026» ЖОБАСЫ АЯСЫНДА 90 КҮНДІК ЭКОЛОГИЯЛЫҚ ЧЕЛЛЕНДЖ БАСТАЛДЫ. «ТАЗА ҚАЗАҚСТАН» ЖАЛПЫҰЛТТЫҚ ЭКОЛОГИЯЛЫҚ АКЦИЯСЫ АЯСЫНДА ҰЙЫМДАСТЫРЫЛЫП ЖАТҚАН ІС-ШАРА АЗАМАТТАРДЫ ТАБИҒАТ ҮШІН ПАЙДАЛЫ ІС ЖАСАП, ОНЫҢ ОҢ НӘТИЖЕСІН ДӘЛЕЛДЕУГЕ ҮНДЕЙДІ.



3-
БҒТ.

Манарбек БИСКЕНОВ:

МАҢҒЫСТАУДЫҢ СПОРТТЫҚ ӘЛЕУЕТІ ЖОҒАРЫ



СПОРТ – ТЕК ЖАРЫСТА ЖЕҢІСКЕ ЖЕТУ ЕМЕС, ОЛ ҰЛТ САУЛЫҒЫНЫҢ, ЖАСТАР ТӨРБИЕСІНІҢ ЖӘНЕ ӨНІРДІҢ ДАМУЫНЫҢ МАҢЫЗДЫ КӨРСЕТКІШІ. СОҢҒЫ ЖЫЛДАРЫ МАҢҒЫСТАУ ОБЛЫСЫНДА БҰҚАРАЛЫҚ СПОРТТЫ ДАМУҒА, ЖАҢА СПОРТ НЫСАНДАРЫН САЛУҒА, ХАЛЫҚАРАЛЫҚ ЖӘНЕ РЕСПУБЛИКАЛЫҚ ДЕҢГЕЙДЕГІ ЖАРЫСТАРДЫ ӨТКІЗУГЕ ЕРЕКШЕ КӨНІЛ БӨЛІНІП КЕЛЕДІ. БҮГІНДЕ ӨНІР СПОРТШЫЛАРЫ ЕЛ НАМЫСЫН ТҮРЛІ ДОДАЛАРДА АБЫРОЙМЕН ҚОРҒАП, ЖОҒАРЫ ЖЕТІСТІКТЕРГЕ ҚОЛ ЖЕТКІЗІП ЖҮР. АЛАЙДА ӨР ЖЕТІСТІКТІҢ АРТЫНДА КҮНДЕЛІКТІ ЖҮЙЕЛІ ЕҢБЕК, САЛАНЫ ДАМУҒА БАҒЫТТАЛҒАН АУҚЫМДЫ ЖҰМЫСТАР ЖАТЫР.

5-
БҒТ.

АТА ЗАҢ – ЕЛ БІРЛІГІ МЕН ҚОҒАМДЫҚ КЕЛІСІМНІҢ КЕПІЛІ

АҚТАУ ҚАЛАСЫНДАҒЫ ДОСТЫҚ ҮЙІНДЕ ҚАЗАҚСТАН РЕСПУБЛИКАСЫ КОНСТИТУЦИЯСЫ КҮНІНЕ ОРАЙ «АТА ЗАҢ – ОТАНҒА АДАЛ ҚЫЗМЕТ» АТТЫ СҰХБАТ АЛАҢЫ ӨТТІ. ТАҒЫЛЫМДЫ БАСҚОСУ АТА ЗАҢНЫҢ ҚОҒАМДАҒЫ ОРНЫ МЕН МАҢЫЗЫН КЕҢІНЕН НАСИХАТТАУҒА, ЗАҢҒА ҚҰРМЕТ МӘДЕНИЕТІН ҚАЛЫПТАСТЫРУҒА ЖӘНЕ ЖАСТАРДЫҢ АЗАМАТТЫҚ ЖАУАПКЕРШІЛІГІН АРТТЫРУҒА АРНАЛДЫ.



Іс-шараға Маңғыстау облыстық ақсақалдар кеңесінің төрағасы Оңайбек Әбділов, облыстық аналар кеңесінің төрағасы Амангүл Жайылханова, кеңес мүшелері, әскери қызметшілер, құқық қорғау органдарының өкілдері, этномәдени бірлестіктердің мүшелері мен жастар қатысты.

Кездесу барысында қатысушылар Конституцияның құқықтық мемлекет қалыптастырудағы ролі, қоғамдық келісім мен тұрақтылықты сақтаудағы маңызы, отансүйгіштік, әскери борыштың қадір-қасиеті, ұлттық тәрбие және өскелең ұрпақтың жауапкершілігі төңірегінде пікір алмасты. Спикерлердің айтуынша, Ата заң – азаматтардың құқықтары мен бостандықтарын айқындайтын құқықтық құжат қана емес, ел бірлігі мен қоғамдық келісімнің, бейбіт өмір мен тұрақты дамудың берік негізі.

Жиын барысында Маңғыстау облыстық ақсақалдар кеңесі, облыстық аналар кеңесі және «Қазақ аналары – дәстүрге жол» республикалық қоғамдық бірлестігінің Маңғыстау облыстық филиалы арасында ынтымақтастық туралы меморандумға қол қойылды. Құжат ұлттық құндылықтарды дәріптеу, отбасы институтын нығайту, ұрпақтар сабақтастығын жалғастыру және ақсақалдар мен аналардың тәлім-тәрбиелік тәжірибесін кеңінен насихаттау бағытындағы өзара ынтымақтастықты дамытуға негіз болады.

Ұйымдастырушылардың айтуынша, мұндай кездесулер қоғамда заңға деген құрметті арттырумен қатар, азаматтардың ел алдындағы жауапкершілігін күшейтуге, ұлттық бірлік пен қоғамдық келісімді нығайтуға ықпал етеді. Іс-шара соңында қатысушылар Ата заңды құрметтеу – мемлекетті құрметтеу, ал заңға адалдық елдің жарқын болашағының кепілі екенін атап өтті. Конституцияның құндылықтарын дәріптеу арқылы жастардың бойында патриоттық рух пен азаматтық жауапкершілікті қалыптастыру барша қоғамның ортақ міндеті екені ерекше айтылды.

ӨЗ ТІЛШІМІЗ

• БҮГІНГІ САНДА

БАЛЫҚТЫ ЫСТАУ – ТАБЫСТЫ БИЗНЕС



» 4

ӘЛЕМДІК АРЕНАДАҒЫ «ҮЗДІК НОКАУТ» ИЕГЕРІ



» 12